

KOD ETIKA

PAKAIAN STAF USIM



UNIVERSITI SAINS ISLAM MALAYSIA
جامعة العلوم الإسلامية الماليزية
ISLAMIC SCIENCE UNIVERSITY OF MALAYSIA





UNIVERSITI SAINS ISLAM MALAYSIA

جامعة العلوم الإسلامية الماليزية
ISLAMIC SCIENCE UNIVERSITY OF MALAYSIA

KOD ETIKA

PAKAIAN STAF USIM

EDISI KE-3

"Sesungguhnya Allah itu cantik dan Allah sukakan kecantikan."
(Hadis riwayat Muslim dan At-Tirmidzi).

KANDUNGAN

7 Tujuan

8 Definisi

9 Panduan Pakaian
Semasa Bekerja

18 Pemakaian Yang
Tidak Dibenarkan



23 Panduan Pemakaian
Pakaian Seragam

25 Panduan Pakaian
Menghadiri Istiadat
dan Majlis

34 Rumusan

KATA PENGANTAR NAIB CANSELOR

بِسْمِ اللَّهِ الرَّحْمَنِ الرَّحِيمِ



Saya ingin mengambil kesempatan ini untuk merakamkan ucapan tahniah atas inisiatif Jabatan Pendaftar yang telah berjaya menerbitkan Buku Kod Etika Pakaian Staf Universiti Sains Islam Malaysia (USIM) edisi ketiga untuk tahun 2016.

"Dan katakanlah kepada perempuan-perempuan yang beriman supaya menyekat pandangan mereka (daripada memandang yang haram), dan memelihara kehormatan mereka; dan janganlah mereka memperlihatkan perhiasan tubuh mereka kecuali yang zahir daripadanya; dan hendaklah mereka menutup belahan leher bajunya dengan tudung kepala mereka; dan janganlah mereka memperlihatkan perhiasan tubuh mereka melainkan kepada suami mereka, atau bapa mereka atau bapa mertua mereka atau anak-anak mereka, atau anak bagi saudara-saudara mereka yang lelaki, atau anak bagi saudara-saudara mereka yang perempuan, atau perempuan-perempuan Islam, atau hamba-hamba mereka, atau orang gaji dari orang-orang lelaki yang telah tua dan tidak berkeinginan kepada perempuan, atau kanak-kanak yang belum mengerti lagi tentang aurat perempuan; dan janganlah mereka menghentakkan kaki untuk diketahui orang akan apa yang tersembunyi dari perhiasan mereka; dan bertaubatlah kamu sekalian kepada Allah, wahai orang-orang yang beriman, supaya kamu berjaya."

(An-Nuur 24:31)

Bersesuaian dengan ayat ini, Islam telah menekankan agar setiap Muslim sentiasa berada dengan berpakaian kemas dan menutup aurat. Perkara ini bukan sahaja melambangkan keperibadian muslim itu sendiri, malah ianya mampu menjadikan muslim itu dihormati masyarakat, menjadi muslim yang berakhlaq mulia serta dicintai Allah SWT.

Penerbitan Buku Kod Etika Pakaian edisi ketiga ini adalah selari dengan hasrat Universiti yang ingin menjadi sebuah Universiti rujukan global berteraskan Integrasi Ilmu Naqli dan Aqli melalui langkah penjenamaan dan pemposisian. Pengenalan baju korporat USIM antaranya dilihat mampu memberikan imej dan penjenamaan kepada USIM agar staf USIM sentiasa kemas dan berimej profesional pada setiap masa. Selain itu, beberapa input juga ditambahbaik dalam edisi terbaru ini bagi memastikan peraturan ini selari dengan pemakaian peraturan terkini yang sedang berkuatkuasa.

Besarlah harapan saya agar Buku Kod Etika Pakaian Staf USIM ini akan memberikan manfaat kepada warga USIM melalui panduan yang diberikan.

Salam hormat

PROFESOR DATO' DR. MUSA AHMAD

Naib Canselor

Universiti Sains Islam Malaysia

PRAKATA PENDAFTAR

بِسْمِ اللَّهِ الرَّحْمَنِ الرَّحِيمِ



Assalammualaikum WBT dan Salam Sejahtera,

Bersyukur saya ke hadrat Ilahi atas limpah kurniaNya, Jabatan Pendaftar telah berjaya menerbitkan Buku Kod Etika Pakaian

Staf Universiti Sains Islam Malaysia (USIM) edisi ketiga untuk tahun 2016. Penghasilan buku ini amat signifikan dengan perubahan yang dinamik di Universiti ini mencakupi perubahan peraturan dan juga peredaran masa serta kepelbagaiannya staf di USIM.

Sebagai agen kepada sistem penyampaian dan perubahan, staf USIM perlu mempamerkan imej dan penampilan diri yang baik. Cara berpakaian melambangkan keperibadian staf serta nilai-nilai etika kerja yang murni. Oleh itu, USIM amat menekankan aspek bukan sahaja kecemerlangan dari segi pentadbiran, pengajaran, penyelidikan dan sebagainya, bahkan USIM turut menitikberatkan penampilan dan ketrampilan staf bagi memastikan imej USIM dibawa dengan baik tanpa menolak keperluan dan nilai-nilai seorang Muslim dan Muslimah yang telah digariskan.

Dengan ini, besarlah harapan saya agar Buku Kod Etika Pakaian Staf USIM ini menjadi panduan dan rujukan staf dan dipatuhi sepenuhnya bagi mempertingkatkan lagi imej dan keterampilan staf di USIM serta sekaligus meningkatkan imej penjawat awam secara total.

Selamat bertugas.

Salam hormat

MUHAMMAD HAIZUAN ROZALI

Pendaftar

Universiti Sains Islam Malaysia



KOD ETIKA PAKAIAN STAF USIM

1.0 Tujuan

Universiti Sains Islam Malaysia (USIM) merupakan sebuah Universiti Islam Malaysia yang menginspirasikan paduan integrasi ilmu naqli dan aqli sebagai bidang bitara di kalangan universiti awam Malaysia. Penubuhannya bertujuan untuk memartabatkan pendidikan Islam serta membawanya dalam arus perdana pendidikan negara dengan menekankan penggunaan teknologi maklumat dalam sistem pengajaran dan penyelidikannya. Di samping menekankan penyampaian kualiti perkhidmatan yang cemerlang, USIM turut menitikberatkan penampilan dan keterampilan stafnya bagi memberikan imej yang baik kepada Universiti tanpa mengabaikan nilai-nilai seorang Muslim dan Muslimah yang digariskan.

Kod Etika Pakaian Staf USIM ini dibangunkan untuk menjelaskan secara terperinci tatacara berpakaian bagi seseorang staf di USIM selain bertujuan untuk menetapkan jenis pakaian yang sesuai dan kemas dipakai semasa bekerja dan semasa menghadiri majlis-majlis rasmi. Keterampilan bersesuaian dan kemas ini perlu dengan imej USIM sebagai sebuah Universiti berteraskan ilmu Naqli dan Aqli.

2.0 Definisi

2.1 "Staf" bermaksud Pegawai USIM dalam kategori Pengurusan Tertinggi, Pengurusan dan Profesional, Ahli Akademik, dan Kumpulan Pelaksana.

2.2 "Waktu Bekerja" adalah seperti berikut :

- i) Waktu Bekerja Normal bermaksud daripada Isnin hingga Jumaat mulai 8.00 pagi hingga 5.00 petang.
- ii) Waktu Bekerja Giliran bermaksud daripada Isnin hingga Ahad (tertakluk kepada penetapan waktu bekerja semasa oleh Pusat Tanggungjawab yang berkaitan)



3.0 Panduan Pakaian Semasa Bekerja

3.1 Peraturan Pakaian Semasa Bekerja

3.1.1 Pakaian Staf Lelaki

i) Kepala


Rambut hendaklah pendek dan kemas serta tidak mencecah kolar baju.

ii) Badan

Staf Pengurusan Tertinggi, Pengurusan dan Profesional, Ahli Akademik :

- *Lounge Suit* atau *Bush Jacket* dengan bahan kain dan warna bersesuaian iaitu kot, seluar serta kemeja berlengan panjang. Pilihan warna yang digalakkan adalah warna gelap.
- Penetapan warna kot rasmi USIM adalah biru gelap.





- Baju kemeja lengan panjang dan seluar panjang serta bertali leher dengan warna yang sesuai. Baju hendaklah dimasukkan kedalam (*tuck-in*) dan kemeja yang dipakai tidak boleh dilipat.

**Staf Kumpulan Pelaksana
(tidak dibekalkan Pakaian Seragam) :**

- Baju kemeja lengan panjang dan seluar panjang dengan warna yang sesuai. Baju hendaklah dimasukkan ke dalam (*tuck-in*) dan kemeja yang dipakai tidak boleh dilipat.

iii) Badan (semua staf lelaki)

- Diwajibkan memakai tali leher korporat USIM (belang biru dan putih) pada setiap hari Isnin, mesyuarat utama universiti (seperti LPU, Senat, JKPU dan seumpamanya) dan majlis-majlis rasmi (dalam dan luar USIM).
- Digalakkan memakai baju korporat pada hari Rabu.
- Kemeja lengan panjang perlu dibutangkan dan sekiranya kemeja mempunyai butang kolar, kolar harus dibutangkan.

- Hujung bahagian tali leher mesti mencecah bahagian *buckle* tali pinggang dan pemilihan *buckle* hendaklah yang bersesuaian dipakai semasa bekerja.
- Digalakkan memakai tanda nama di sebelah kiri dan elakkan memakai di atas lapel kot.
- Diwajibkan memakai Kad Staf semasa waktu pejabat semasa berada dalam kawasan Universiti.
- Hendaklah memakai pakaian batik Malaysia pada setiap hari Khamis Baju batik yang direka bersempena Majlis Konvokesyen ke-13 USIM adalah menjadi baju batik rasmi universiti. Setiap kakitangan USIM perlu mempunyai baju tersebut dan dipakai dalam majlis rasmi yang perlu menyerlahkan imej korporat USIM. Pemakaian batik Malaysia ini melibatkan pemakaian fesyen pakaian batik Malaysia alternatif bagi staf lelaki iaitu :
 - a) Baju kemeja batik Malaysia lengan panjang bercekak Musang dan berbutang tiga atau berbutang lima
 - b) Baju kemeja batik Malaysia lengan panjang berkolar Nehru butang terselindung
 - c) Baju kemeja batik Malaysia lengan panjang berkolar Mandarin berbutang tiga





- d) Pakaian batik Malaysia ini mestilah dipakai dengan seluar panjang dan lengan baju tidak dilipat.
- Dibenarkan memakai pakaian baju Melayu jenis kolar Cekak Musang, kolar Mandarin dan Baju Melayu Teluk Belanga lengkap pada hari Jumaat. Baju Melayu yang kemas dipakai hendaklah lengkap bersama samping, songkok hitam dan butang. Samping hendaklah dipakai di luar baju Melayu.

3.1.2 Kaki

- Kasut kulit atau lain-lain kasut yang sejenis dengannya beserta stoking hendaklah dipakai semasa bekerja. Digalakkan memakai kasut hitam/ gelap, bersih dan berkilat.
- Kasut capal boleh dipakai dengan pakaian baju Melayu yang lengkap bersamping, bersongkok hitam dan berbutang lengkap.

CAPAL




KASUT KULIT



3.1.3 Aksesori / Wangian

- Digalakkan memakai *Cuff Link* dengan baju kemeja lengan panjang.
- Digalakkan memakai pin tali leher dan pemakaianya hendaklah selari dengan bahagian tengah saku baju. Jika memakai *Lounge Suit*, tempat pin yang sesuai ialah bersamaan atas saku baju.
- Pemilihan bauan yang lembut serta sesuai dengan keadaan bagi mengelakkan situasi yang kurang menyenangkan dan melemaskan serta elakkan bau badan khususnya bau rokok.



CUFF LINK



"

Allah sukakan kecantikan dan seterusnya menggalakkan umatnya berhias dengan pakaian yang cantik untuk mengerjakan ibadah, seperti dalam firmanya yang bermaksud, "Wahai anak-anak Adam, pakailah pakaianmu yang indah berhias pada tiap-tiap kali kamu ke masjid (atau mengerjakan sembahyang), makanlah dan minumlah, dan jangan pula kamu berlebih-lebihan. Sesungguhnya Allah tidak menyukai akan orang-orang yang berlebih-lebihan (melampaui batas). ■■
(Surah Al-A'raaf, 7:31)

3.2 Pakaian Staf Wanita

3.2.1 Kepala

- Memakai tudung yang bersesuaian dan tidak mencolok mata serta digalakkan memilih tudung yang sepadan dengan warna baju.
- Staf yang bukan beragama Islam hendaklah menyisir rambut dengan rapi dan bagi yang berambut panjang, hendaklah diikat dengan kemas.
- Tudung melepas dari aras dada dan bersesuaian dengan etika berpakaian ke pejabat. Fesyen yang keterlaluan adalah tidak digalakkan.

CONTOH
PAKAIAN
KAKITANGAN
WANITA



BAJU KURUNG



JUBAH



BAJU BATIK

3.2.2 Badan

- Memakai baju Kurung / baju Kebaya longgar dan labuh / jubah yang longgar atau *Lounge Suit* melalui gabungan 3-pieces suit yang bersesuaian iaitu kot, skirt labuh dan longgar serta kemeja berlengan panjang. Pilihan warna yang digalakkan adalah warna gelap atau yang bersesuaian dengan etika berpakaian ke pejabat.
- Staf wanita bukan warganegara dibenarkan memakai pakaian Kebangsaan Negara masing-masing atau pakaian-pakaian mengikut kaum masing-masing yang sopan dan bersesuaian semasa bekerja dan tertakluk kepada etika berpakaian USIM.
- Staf mengandung hendaklah memakai kemeja atau blaus sama ada *plain* atau bercorak yang melepassi punggung dan dipadankan dengan skirt labuh yang longgar atau memakai jubah / baju mengandung labuh yang longgar.

KASUT SARUNG



- Pakaian staf wanita mestilah **sopan** dan tidak mencolok mata.
- Digalakkan memakai tanda nama di sebelah kiri Diwajibkan memakai Kad Staf semasa waktu pejabat semasa berada dalam kawasan Universiti.

3.2.3 Kaki

- Kasut yang bertutup sekeliling hendaklah dipakai semasa bekerja. Ketinggian tumit kasut melebihi 2 inci adalah tidak digalakkan.
- Memakai sarung kaki yang sesuai dengan warna kulit (sekiranya memakai sarung kaki).



3.2.4 Aksesori / Solekan / Wangian

- Memakai barang kemas dan solekan secara minimal serta sesuai dengan keadaan.
- Pemilihan bauan yang minimal dan sesuai dengan keadaan bagi mengelakkan situasi yang kurang menyenangkan serta melemaskan.



4.0 Pemakaian Yang Tidak Dibenarkan

4.1 Lelaki

4.1.1 Kepala

- Memakai serban, kopiah atau topi.
- Fesyen rambut mencacak, *punk* atau *skinhead* dan yang sama dengannya dan tidak dibenarkan mewarna rambut melainkan atas sebab-sebab kesihatan.
- Misai melebihi bibir atas dan janggut mencecah butang atas baju.
- Bertindik atau memakai subang di hidung, lidah atau yang sama jenis dengannya.



TOPI & KOPIAH

4.1.2 Badan

- Memakai pakaian kasual/semi kasual seperti T-shirt berkollar, T-shirt berkollar bulat, *jeans*, *corduroy*, seluar pendek, *bow-tie* atau yang sama jenis dengannya.
- Memakai baju Melayu bersama seluar kerja pada hari Jumaat juga tidak dibenarkan.
- Pakaian batik Indonesia pada hari Khamis menggantikan pakaian batik Malaysia.



- Kemeja bercetak perkataan yang tidak sesuai, logo, gambar atau slogan yang berunsurkan politik, ganas, seram dan seumpamanya. Memakai apa-apa jenis bentuk pakaian atau perhiasan yang melambangkan wanita.
- Memakai pakaian mencolok mata walaupun semasa menjalankan tugas lebih masa.
- Memakai cincin secara berlebih-lebihan serta memakai *bangle*.
- Bertatu, mewarnakan kuku, bertindik atau memakai subang di mana-mana bahagian badan atau yang sama jenis dengannya.

4.1.3 Kaki

- Selipar, kasut getah, kasut kanvas, kasut sukan (kecuali dipakai dengan pakaian sukan yang lengkap) atau yang sejenis dengannya.



PUNK

BANGLE

4.2 Perempuan

4.2.1 Kepala

- Memakai purdah atau apa-apa pakaian yang menutup muka semasa di pejabat.

4.2.2 Badan

- Memakai pakaian kasual / semi kasual seperti blaus pendek tidak melepas punggung, jeans, skirt atau seluar yang singkat dan ketat atau yang sama jenis dengannya.
- Memakai pakaian yang mencolok mata seperti baju Kebaya ketat, Kurung Kedah, pakaian berlengan lebar, berleher luas dan tidak berlengan.
- Pakaian batik Indonesia atau baju yang dipadankan dengan kain batik sarung pada hari Khamis menggantikan pakaian batik Malaysia tidak dibenarkan.
- Staf mengandung tidak dibenarkan memakai kemeja atau blaus tidak melepas punggung.



MEMAKAI PURDAH



- Memakai pakaian yang mencolok mata dan warna serta fabrik yang keterlaluan walaupun semasa menjalankan tugas lebih masa.
- Kemeja bercetak perkataan yang tidak sesuai, logo, gambar atau slogan yang berunsurkan politik, ganas, seram dan seumpamanya.
- Mewarnakan kuku (melainkan inai), rambut dan anggota lain melainkan atas sebab-sebab tertentu.

4.2.3 Kaki

- Selipar, kasut getah, kasut kanvas dan kasut sukan (kecuali pakaian sukan yang lengkap) atau yang sejenis dengannya tidak boleh dipakai semasa bekerja.

4.2.4 Aksesori

- Bertindik atau memakai subang di hidung, lidah atau yang sama jenis dengannya.
- Memakai barang kemas secara berlebih-lebihan sehingga memberi risiko kepada keselamatan.

MEWARNAKAN KUKU





4.3 Pakaian Sukan Bagi Lelaki dan Wanita (Outdoor)

- 4.3.1** Staf lelaki wajib memakai seluar ketat / tights sehingga melepassi lutut ketika memakai seluar pendek seperti seluar untuk bermain bola sepak atau aktiviti lain semasa bersukan.

- 4.3.2** Staf lelaki dan wanita hendaklah berpakaian sukan atau yang bersesuaian ketika menyertai aktiviti luar seperti bersukan dan beriadah.

5.0 Panduan Pemakaian Pakaian Seragam

5.1 Pemakaian pakaian seragam ini perlu dipakai semasa bekerja secara berterusan bagi mereka yang dibekalkan dengannya dan penentuan kelayakan staf bagi pemakaian pakaian seragam adalah seperti berikut :

5.1.1 Penolong Pegawai Perubatan / Jururawat / Penolong Pegawai Farmasi / Pengawal Keselamatan / Atendan Kesihatan / Setaraf

- Sebagai lambangkuasa yang diperuntukkan kerana tugas jawatan yang melibatkan penguatkuasaan undang-undang, memasuki kawasan, bangunan dan rumah-rumah untuk tujuan pemeriksaan. Dibekalkan bagi tujuan pengenalan diri pegawai kepada orang yang terlibat semasa menjalankan tugas mereka dan dikehendaki memakai pakaian seragam sepanjang waktu bertugas.



5.1.2 Staf terlibat dengan bidang tugas di Makmal, Bengkel dan Wad Rawatan Pesakit.

- Bagi tujuan perlindungan dan keselamatan diri kakitangan daripada percikan bahan-bahan kimia dan kekotoran semasa bertugas.

5.1.3 Pemandu / Pembantu Operasi / Pekerja Am - Bagi tujuan kebersihan diri dan kekemasan rupa.



6.0 Panduan Pakaian Menghadiri Istiadat Dan Majlis

6.1 Definisi Jenis- Jenis Pakaian

6.1.1 Pakaian Kebangsaan Rasmi

- Tanjak berwarna hitam
- Baju Melayu berwarna hitam berleher Cekak Musang
- Seluar hitam
- Samping warna hitam (songket)
- Bengkung warna hitam
- Stoking warna hitam
- Sepatu kulit hitam berkilat
- Berkeris (waktu malam tidak berkeris)



6.1.2 Pakaian Kebangsaan Hitam


- Songkok hitam
- Baju Melayu warna hitam berleher Cekak Musang
- Samping warna hitam (songket)
- Stoking warna hitam
- Sepatu kulit hitam berkilat

6.1.3 Pakaian Kebangsaan

- Songkok hitam
- Baju Melayu berleher Cekak Musang
- Samping songket
- Stoking warna hitam
- Sepatu kulit hitam berkilat

6.1.4 *Lounge Suit*

- Kot
- Seluar





- Kemeja berkolar
- Tali leher
- Stoking warna hitam
- Sepatu kulit hitam berkilat
- Bersongkok (jika disebut dan diperlukan)

6.1.5 ***Black Tie***

- Jaket hitam dengan berlapikkan sutera hitam di kelepak baju atau Shell Jaket Putih (*Tuxedos*)
- Kemeja putih berkanji di sebelah hadapan
- *Soft Collar*
- *Bow-tie* hitam
- *Cummerbund* (bengkong) hitam atau *Waistcoat* putih
- Seluar hitam dengan satu jalur sutera (*silk stripe*)
- Stoking hitam
- Sepatu kulit hitam berkilat

6.2 Pakaian Semasa Menghadiri Istiadat Dan Majlis

Majlis	Lelaki	Wanita
Majlis Angkat Sumpah Jawatan oleh YDPA atau Timbalan YDPA	<ul style="list-style-type: none">✓ Pakaian Kebangsaan warna hitam dan songkok; atau✓ <i>Lounge Suit</i> warna gelap dan songkok	<ul style="list-style-type: none">✓ Baju Kurung berselendang; atau✓ Kebaya labuh berselendang; atau✓ Pakaian Kebangsaan masing-masing
Majlis Mengadap Hari Keputeraan dan Istiadat Pengurniaan Darjah Kebesaran, Bintang dan Pingat	<ul style="list-style-type: none">✓ Pakaian Kebangsaan Rasmi (Keris dan Tengkolok)	<ul style="list-style-type: none">✓ Baju Kurung berselendang; atau✓ Kebaya labuh berselendang; atau✓ Pakaian Kebangsaan masing-masing
Istiadat Pengurniaan Darjah Kebesaran, Bintang dan Pingat yang Diadakan Selepas Hari Ulang Tahun Keputeraan	<ul style="list-style-type: none">✓ Pakaian Kebangsaan Rasmi (Keris dan Tengkolok); atau✓ Pakaian Kebangsaan warna hitam	<ul style="list-style-type: none">✓ Baju Kurung berselendang; atau✓ Kebaya labuh berselendang; atau✓ Pakaian Kebangsaan masing-masing

<p>Majlis Jamuan Teh Diraja Sempena Hari Keputeraan Rasmi</p>	<ul style="list-style-type: none"> ✓ Pakaian Kebangsaan bersongkok; atau ✓ <i>Lounge Suit</i> (bukan beragama Islam) <p>*Warna yang dilarang</p> <ul style="list-style-type: none"> ✗ Kuning diraja ✗ Baju putih sedondon (Pakaian yang sama warna tanpa bunga iaitu baju, seluar dan samping) 	<ul style="list-style-type: none"> ✓ Baju Kurung beraselendang; atau ✓ Kebaya labuh beraselendang; atau ✓ Pakaian Barat (labuh dan ada lengan) ✓ Pakaian Kebangsaan masing-masing (labuh dan ada lengan) <p>*Warna yang dilarang</p> <ul style="list-style-type: none"> ✗ Kuning diraja ✗ Baju putih sedondon (Pakaian yang sama warna tanpa bunga iaitu baju, kain dan selendang)
<p>Majlis Menghadap Pembesar Negara</p>	<ul style="list-style-type: none"> ✓ Pakaian Kebangsaan warna hitam; atau ✓ <i>Lounge Suit</i> warna gelap; atau ✓ Pakaian Kebangsaan masing-masing 	<ul style="list-style-type: none"> ✓ Baju Kurung beraselendang; atau ✓ Kebaya labuh beraselendang; atau ✓ Pakaian Kebangsaan masing-masing ✓ Pakaian Kebangsaan negara masing-masing

Istiadat Pembukaan Persidangan Parlimen	<ul style="list-style-type: none"> ✓ Pakaian Kebangsaan Rasmi (Keris dan Tengkolok) 	<ul style="list-style-type: none"> ✓ Baju Kurung berselendang; atau ✓ Kebaya labuh berselendang; atau ✓ Pakaian Kebangsaan masing-masing
Istiadat Ziarah dan Penghormatan Terakhir Kemangkatan	<p>Bagi orang Islam :</p> <ul style="list-style-type: none"> ✓ Pakaian Kebangsaan dan songkok dililit dengan kain putih selebar 1 inci pada songkok. <p>Bagi orang bukan Islam :</p> <p><i>Lounge Suit</i> dan tali leher hitam serta lilitan kain hitam di lengan baju</p>	<p>Bagi orang Islam :</p> <ul style="list-style-type: none"> ✓ Pakaian Baju Kurung atau Kebaya labuh serta berselendang putih <p>Bagi orang bukan Islam :</p> <p>Pakaian sempurna dan sopan serta bertudung hitam</p>
Majlis Berbuka Puasa di Istana Negara / Bangunan Parlimen / Masjid	<ul style="list-style-type: none"> ✓ Pakaian Kebangsaan 	<ul style="list-style-type: none"> ✓ Baju Kurung berselendang atau Kebaya labuh berselendang

Majlis Makan Malam Tidak Rasmi	<ul style="list-style-type: none"> ✓ Pakaian biasa lengan panjang; atau ✓ Batik lengan panjang; atau ✓ Pakaian Kebangsaan 	<ul style="list-style-type: none"> ✓ Baju Kurung berselendang; atau ✓ Kebaya labuh berselendang; atau ✓ Pakaian Kebangsaan masing-masing
Majlis Jamuan Teh	<ul style="list-style-type: none"> ✓ Pakaian Kebangsaan; atau ✓ <i>Lounge Suit</i> 	<ul style="list-style-type: none"> ✓ Baju Kurung berselendang; atau ✓ Kebaya labuh berselendang; atau ✓ Pakaian Kebangsaan masing-masing
Majlis Jamuan Ringan (<i>Cocktail</i>)	<ul style="list-style-type: none"> ✓ Pakaian Kebangsaan; atau ✓ <i>Lounge Suit</i> warna gelap 	<ul style="list-style-type: none"> ✓ Baju Kurung berselendang; atau ✓ Kebaya labuh berselendang; atau ✓ Pakaian Kebangsaan masing-masing
Jamuan Tengahari	<ul style="list-style-type: none"> ✓ Pakaian Kebangsaan; atau ✓ <i>Lounge Suit</i> 	<ul style="list-style-type: none"> ✓ Baju Kurung berselendang; atau ✓ Kebaya labuh berselendang; atau ✓ Pakaian Kebangsaan masing-masing
Majlis Jamuan Teh Rasmi (diadakan oleh mana-mana pihak kecuali Istana Negara)	<ul style="list-style-type: none"> ✓ Pakaian kerja; atau ✓ <i>Lounge Suit</i>; atau ✓ Baju Batik lengan panjang 	<ul style="list-style-type: none"> ✓ Baju Kurung berselendang; atau ✓ Kebaya labuh berselendang; atau

Majlis Jamuan Teh Tidak Rasmi (diadakan oleh mana-mana pihak kecuali Istana Negara)	<ul style="list-style-type: none"> ✓ Baju Batik lengan panjang 	<ul style="list-style-type: none"> ✓ Baju Melayu moden
Majlis Jamuan Makan Tengahari (Rasmii) (diadakan oleh mana-mana pihak kecuali Istana Negara)	<ul style="list-style-type: none"> ✓ Pakaian kerja; atau ✓ <i>Lounge Suit</i>; atau ✓ Baju Batik lengan panjang 	<ul style="list-style-type: none"> ✓ Baju Kurung berselendang; atau ✓ Kebaya labuh berselendang; atau
Majlis Jamuan Makan Malam (anjuran mana-mana pihak)	<ul style="list-style-type: none"> ✓ Pakaian Kebangsaan warna hitam; atau ✓ <i>Black Tie</i> 	<ul style="list-style-type: none"> ✓ Baju Kurung berselendang; atau ✓ Kebaya labuh berselendang; atau

Jadual 1 : Panduan Pakaian Semasa Menghadiri Pelbagai Istiadat dan Majlis

- 6.2.1 Panduan Pakaian Semasa Menghadiri Pelbagai Istiadat dan Majlis di Jadual 1 di atas telah disesuaikan bagi tujuan panduan pemakaian staf USIM.
- 6.2.2 Staf yang dikehendaki menghadiri upacara rasmi untuk menerima bintang atau pingat dalam Majlis Istiadat Pengurniaan Bintang dan Pingat sama ada di Peringkat Persekutuan atau Negeri layak diberi Bayaran Pakaian Menghadiri Upacara Rasmi - Pekeliling Pejabat Pendaftar Bil. 4 Tahun 2008

7.0 Rumusan

Pematuhan terhadap peraturan pakaian semasa bekerja di pejabat dan ketika menghadiri pelbagai istiadat dan majlis memerlukan komitmen dan penghayatan semua staf USIM. Penentuan pakaian ini melambangkan kedudukan sosioekonomi, imej dan personaliti seseorang individu selain membentuk peribadi agar lebih berdisiplin dan berketerampilan. Ini sekaligus mengangkat imej yang baik bagi USIM selaras dengan peraturan semasa yang telah ditetapkan kepada semua pegawai awam oleh pihak Pengurusan Universiti dan Kerajaan.

Penguatkuasaan adalah serta merta.

Bahagian Governan dan Pentadbiran Am
Jabatan Pendaftar
UNIVERSITI SAINS ISLAM MALAYSIA

RUJUKAN

- i. Minit Mesyuarat JKPU kali ke-605 Bil. 16/2016 USIM
- ii. Surat Pekeliling Perkhidmatan Bil. 9 Tahun 2013
- Pemakaian *Two/Three – Piece Pant Suit* Bagi Pegawai Awam Wanita Semasa Bekerja
- iii. Pekeliling Perbendaharaan Bil. 6 Tahun 2011
- Peraturan dan Kadar Bekalan Pakaian Seragam
- iv. Garis Panduan Etika Pakaian Staf Universiti Utara Malaysia 2010
- v. The Red Book : Garis Panduan Tatacara dan Etika Pemakaian Korporat Warga MAMPU 2009
- vi. Mokhtar Mohd Tohar (2008) *Protokol dan Etiket Dalam Pengurusan dan Menghadiri Majlis (Edisi Baru)*; Institut Tadbiran Awam Negara dan Jabatan Perkhidmatan Awam.
- vii. Kod Etika Pakaian Staf USIM 2008
- viii. Pekeliling Pejabat Pendaftar Bil. 4 Tahun 2008
- Bayaran Pakaian Istiadat, Bantuan Bayaran Pakaian *Black Tie* dan Bayaran Pakaian Menghadiri Upacara Rasmi
- ix. Pekeliling Pejabat Pendaftar Bil. 2 Tahun 2008
- Pemakaian Pakaian Batik Malaysia Pada Setiap Hari Khamis
- x. Surat Pekeliling Perkhidmatan Bil. 1 Tahun 2008
- Pemakaian Pakaian Batik Malaysia oleh Pegawai Awam Pada Hari Khamis
- xi. Pekeliling Pejabat Pendaftar Bil. 1 Tahun 2008



UNIVERSITI SAINS ISLAM MALAYSIA
جامعة العلوم الإسلامية الماليزية
ISLAMIC SCIENCE UNIVERSITY OF MALAYSIA

Universiti Sains Islam Malaysia
Bandar Baru Nilai
71800, Nilai, Negeri Sembilan, Malaysia
Tel: +606-798 8000 Faks: +606-798 8130